

古今醫案按卷第八

吳江李齡壽辛垞重較輯

嘉善俞震東扶纂輯

男念祖永修較字

得璜礪溪

孫男掌明罔若仝較

賂南貯賢

黃疸

東垣治一人年六十二素有脾胃虛損病目疾時作身面目
睛俱黃小便或黃或白大便不調飲食減少氣短上氣怠惰
嗜卧四肢不收至六月中目疾復作醫以瀉肝散下數行而

前疾增劇。李謂大黃牽牛。雖除溼熱。而不能走經絡。下咽不入肝經。先入胃中。大黃苦寒。重虛其胃。牽牛其味至辛。能瀉氣。重虛肺本。嗽大作。蓋標實不去。本愈虛甚。加之適當暑雨之際。素有黃證之人。所以增劇也。此當于脾胃肺之本臟瀉。外經中之溼熱。製清神益氣湯主之。茯苓升麻各二分。澤瀉蒼朮防風各三分。生薑四分。此藥能走經。除溼熱而不守。故不瀉本臟。補肺與脾胃本臟中氣之虛弱。青皮一分。橘皮生甘草白芍藥白朮各二分。人參五分。此藥皆能守本而不走經。不走經者。不滋經絡中邪。守者。能補臟之元氣。黃蘗一分。麥冬二分。人參二分。五味子三分。此藥去時令浮熱。溼蒸。右

都作一服。水二盞煎至一盞去查稍熱空心服。火熾之極。金
伏之際。而寒水絕體。于此時也。故急救以生脉散。除其溼熱。
以惡其太甚。肺欲收。心苦緩。皆酸以收之。心火盛。則甘以瀉
之。故人參之甘。佐以五味子之酸。孫思邈云。夏月常服五味
子。以補五臟氣。是也。麥門冬之微苦寒。能滋水之源。于金之
位。而清肅肺氣。又能除火刑金之嗽。而斂其痰邪。復微加黃
檗之苦寒。以爲守位。滋水之流。以鎮墜其浮氣。而除兩足之
痿弱也。

震

按此案講得冗雜。不清藥又太輕。豈能取效。然尙屬純
正道理。亦頗有發明處。故選之。

羅謙甫治元顏正卿。二月間因官事勞役，飲食不節，心火乘脾，脾氣虛弱。又以恚怒氣逆傷肝，心下痞滿，四肢困倦，身體麻木，次傳身目俱黃，微見青色，顏黑，心神煩亂，怔忡不安，兀兀欲吐，口惡生冷，飲食遲化，時下完穀，小便癰閉而赤黑，辰巳間發熱，日暮則止。至四月尤盛，羅診其脉浮而緩，金匱要畧云：寸口脉浮爲風，緩爲痺，痺非中風，四肢苦煩，脾色必黃，瘀熱以行，跌陽脉緊爲傷脾，風寒相搏，食穀則眩，穀氣不消，胃中苦濁，濁氣下流，小便不通，陰被其寒，熱流膀胱，身體盡黃，名曰穀疸。以茵陳葉一錢，茯苓五分，梔子仁，蒼朮去皮炒，白朮各三錢，生黃芩六分，黃連，枳實，豬苓，去皮，澤瀉，陳皮，漢

防已各二分。青皮去白一分。作一服。以長流水三盞煎至一盞。名曰茯苓梔子茵陳湯。一服減半。二服良愈。內經云。熱淫于內。治以酸寒。佐以苦甘。又溼化于火。熱反勝之。治以苦寒。以苦泄之。以淡滲之。梔子茵陳苦寒。能瀉溼熱而退其黃。故以爲君。難經云。苦主心下滿。以黃連枳實苦寒。泄心下痞滿。肺主氣。今熱傷其氣。故身體麻木。以黃芩苦寒。瀉火補氣。故以爲臣。二朮苦甘溫。青皮苦辛溫。能除胃中溼熱。泄其壅滯。養其正氣。漢防已苦寒。能去十二經留溼。澤瀉鹹平。茯苓猪苓甘平。導膀胱中熱利小便而去癰閉也。

至元丙寅六月。時雨霖霖。人多病溼溫。真定韓君祥。因勞役

過度渴飲涼茶及食冷物遂病頭痛肢節亦疼身體沉重胸滿不食自以爲外感內傷用通聖散二服加身體困甚醫以百解散發其汗越四日以小柴胡湯二服復加煩熱躁洩又六日以三一承氣湯下之躁渴尤甚又投白虎加人參柴胡飲子之類病愈增又易醫用黃連解毒湯硃砂膏至寶丹之類至十七日後病勢轉增傳變身目俱黃肢體沉重背惡寒皮膚冷心下痞硬按之則痛眼澁不欲開目睛不了了懶言語自汗小便利大便秘而不了羅診其脉緊細按之空虛兩寸脉短不及本位此證得之因時熱而多飲冷加以寒涼寒藥過度助水乘心反來侮土先囚其母後薄其子經云薄所

不勝。乘所勝也。時值霖雨。乃寒溼相合。此爲陰證。發黃明矣。羅以茵陳附子乾薑湯主之。內經云寒淫于內。治以甘熱。佐以苦辛。溼淫所勝。平以苦熱。以淡滲之。以苦燥之。附子乾薑辛甘大熱。散其中寒。故以爲主。半夏草豆蔻辛熱。白朮陳皮苦甘溫。健脾燥溼。故以爲臣。生薑辛溫以散之。澤瀉甘平以滲之。枳實苦微寒。泄其痞滿。茵陳苦微寒。其氣輕浮。佐以薑附。能去膚腠間寒溼而退其黃。故爲佐使也。煎服一兩。前證減半。再服悉去。又與理中湯服之。數日氣得平復。或者難曰。發黃皆以爲熱。今暑隆盛之時。又以熱藥治之而愈。何也。羅曰。主乎理耳。成無已云。陰證有二。一者始外傷寒邪。陰經受。

之。或。因。食。冷。物。傷。太。陰。經。也。一。者。始。得。陽。證。以。寒。治。之。寒。涼。過。度。變。陽。爲。陰。也。今。君。祥。因。天。令。暑。熱。冷。物。傷。脾。過。服。寒。涼。陰。氣。大。勝。陽。氣。欲。絕。加。以。陰。雨。寒。溼。相。合。發。而。爲。黃。也。仲。景。所。謂。當。于。寒。溼。中。求。之。李。思。順。云。解。之。而。寒。涼。過。劑。瀉。之。而。逐。寇。傷。君。正。以。此。耳。聖。賢。之。制。豈。敢。越。哉。或。曰。潔。古。之。學。有。自。來。矣。

震

按此二案前係溼熱後係溼寒病固易辨而論治論藥悉本內經由其學有根柢也

虞天民治一人年三十餘得穀疸證求治以胃苓湯去桂加茵陳數十貼黃退自以爲安不服藥十數日後至晚目盲不

見物。虞曰。此名雀目。蓋溼痰盛而肝火有餘也。用獾猪肝。煮熟。和夜明砂作丸。服之。目明如故。來謝。虞曰。未也不早服。制肝補脾消痰之劑。必成。蠱脹。伊不信。半月後。腹漸脹。痞滿。復求治。仍以胃苓湯倍二朮。加木通。麥冬。煎湯下。褪金丸。一月而安。

江篁南治猶子三陽。患疸證。皮膚目睛皆黃。小溲赤。左脉弦而數。右三部原不應指。今重按之。隱隱然指下。證見午後發熱。五更方退。以茵陳五苓散除桂。加當歸。梔子。黃檗。柴胡。數服。繼用人參養榮湯。乃八物除芎。加芪。陳皮。五味。薑棗。兼人乳童。溲熱退三日。已而復作。間日發于午後。肌熱灼指。脉近

古今醫案按卷第八
弦乃作瘧治之而愈。後數年復患目睛黃。午飯難剋化。則小
溲黃。以黃芪建中湯除桂。加白朮陳皮茯苓半夏神麴麥芽
薑少許而退。

震

按此二案治法皆平易中正。但前之鼓脹後之疸證皆
新病。不因久病致變。故與所用諸方恰合。

繆仲淳曰。太學顧仲恭遭鼓盆之戚。復患病在床。一醫診視。
驚訝而出。謂其旦晚就木。因延予診之。左手三部俱平和。右
手尺寸亦無恙。獨關部杳然不見。諦視其形色。雖尪羸而神
氣安靜。予詢之。曾大怒乎。曰然。予曰。此怒則氣併于肝。而脾
土受邪之證也。經云大怒則形氣絕。而況一部之脉乎。甚不

足怪。第脾家有積滯。目中微帶黃色。恐成黃疸。兩三日後果遍體發黃。服茵陳利水平肝順氣藥數劑而痊。

震

按金匱要畧云。病疸當以十八日爲期。治之十日已上。瘥反劇者爲難治。就余生平所驗。分毫不爽。有先因他病而後發黃者。有先發黃而後現他病者。必於半月一月之內退盡其黃。則他病亦可治。設或他病先瘥而黃不能退。至一年半載仍黃者。必復現他病。以致死。大抵酒傷及有鬱結與胃脘痛皆發黃之根基。而泄瀉腫脹不食乃發黃之末路。若時行病發黃亦多死。諺所謂瘟黃也。惟元氣實者。審其爲瘀血爲溼熱。逐之清之。得黃退熱亦退。乃可無

虞古人醫案俱未有說及久黃者可爲余言之一證卽如
此條關脉不見亦云數劑而痊要知因於大怒偶然不見
耳若並未動怒關脉連日不見目中微帶黃色卽爲脾絕
之徵死無疑矣

內服益其黃則此病亦何由起
面黃黃者曰次黃黃而面黃則此病亦何由起
對又陳浩漁獲翁錄余生平視驗食事不爽百共因對陳
君對金匱要略云面黃者以十八日爲限命之十日曰土
黃對黃黃即茵陳脾木平抑則脾榮其脾而平

五升藥輒寒皆歸帶日中微帶黃即恐知黃虛兩三日遂果

身痒

倪仲賢治吳陵盛架閣內子。左右肩背上下患痒。至兩臂頭面皆然。屢以艾灼痒處。暫止復作。如是數年。老人切其脉曰。左關浮盛。右口沉實。此酒食滋味所致也。投以清熱化食行滯之劑。其痒遂止。

江汝潔治一婦人。患上身至頭面俱痒。刺痛起塊。衆醫皆謂大風等證。江診得左手三部俱細。右手三部皆微實。大都六脉俱數。經曰微者爲虛。弱者爲虛。細者氣血俱虛。蓋心主血。肝藏血。乃血虛無疑。腎藏精屬水。其部見微。乃爲水不足。水既不足。相火妄行無制。以致此疾。經曰諸痛瘡痒皆屬心火。

右手寸脉實。實者陽也。脉經曰。諸陽爲熱。乃熱在肺。分火剋金故也。且肺主皮毛。皮毛之疾。肺氣主之。胸膈及皮毛之疾。爲至高之疾也。右關微實。乃火在土。分土得火。則燥。肌肉之間。脾氣主之。肌肉及皮毛痛痒。皆火熱在上明矣。右尺微實。火居火位。兩火合明。陽多陰少。治宜補水以制火。養金以伐木。若作風治。未免以火濟火。以燥益燥也。乃以生地白芍各一錢。參芪各六分。連翹丹皮各六分。麥冬八分。槧皮防風甘草各四分。五味子九粒。黃連四分水煎溫服。查內加苦參一兩。再煎洗十數劑而安。

立齋治一女子十二歲。善怒。遍身作痒。用柴胡川芎山梔芍

藥以清肝火。生地當歸黃芩以涼肝血。白朮茯苓甘草以健脾上而愈。半載後遍身起赤痕。或時眩暈。此肝火熾甚。血得熱而妄行。是夜果經至。

意庵治一人。因田間收稻。忽然遍身痒入骨髓。用食鹽九錢。泡湯三碗。每進一碗。撲而吐之。如是者三。而痒釋矣。

一小兒遍身作痒。以生薑搗爛。以布包擦之而止。

震

按河間謂痒爲美疾。以其搔爬有趣。且與身命無傷也。然亦有屢治不效者。以不得病因而漫以涼血祛風爲治耳。今觀倪江薛三案。見解用藥俱精細周到。可見昔賢雖遇輕證。亦不肯忽畧。

然不自知而不知者以不醫而國而國以不醫而國
其所謂醫者其美其以其醫而醫且與其命無涉也
小民誠良也其以主其醫而主其醫之而主

國者三強者其一對對而主之取主者三而取主

意者亦一人因田而主其意然其主者人皆謂用食

然而其主其果強主

戰士而愈半雖其強其主其主其主其主其主其主

藥以醫其主其主其主其主其主其主其主其主其主其主